

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za prostorno uređenje, promet, komunikacije i zaštitu okoline, Vlada Zeničko-dobojskog kantona, na 120. sjednici, održanoj 06.03.2026. godine, d o n o s i

Z A K L J U Č A K

I

Odobrava se Javnom preduzeću „Televizija Zeničko-dobojskog kantona“ d.o.o. Zenica osnovanom Odlukom Skupštine Zeničko-dobojskog kantona, broj: 01-02-12720/25 od 30.06.2025. godine, privremeno korištenje, bez naknade, dijela poslovnog prostora i zajedničkih pratećih prostorija u poslovnoj zgradi Kantonalnog zavoda za urbanizam i prostorno uređenje u sastavu Ministarstva za prostorno uređenje, promet, komunikacije i zaštitu okoline, a za potrebe smještaja JP TV ZDK.

II

Privremeno korištenje bez naknade iz tačke I ovog zaključka, za period od dvije godine od dana usvajanja ovog zaključka, odnosi se na korištenje poslovnog prostora – kancelarije na V spratu, površine od 25,45 m² i zajedničkih prostorija i lifta u poslovnoj zgradi u ulici Mehmedalije Tarabara, broj: 15 u Zenici.

III

Redovni mjesečni troškovi (režijski troškovi) koji proisteknu po osnovu korištenja poslovnog prostora iz tačke II ovog zaključka finansirat će se iz sredstava Javnog preduzeća „Televizija Zeničko-dobojskog kantona“ d.o.o. Zenica, što će biti predmetom sporazuma koji će zaključiti Kantonalni zavod za urbanizam i prostorno uređenje i JP TV ZDK.

IV

Za realizaciju ovog zaključka zadužuju se Kantonalni zavod za urbanizam i prostorno uređenje, Javno preduzeće „Televizija Zeničko-dobojskog kantona“ d.o.o. Zenica, Ministarstvo za prostorno uređenje, promet i komunikacije i zaštitu okoline i Služba za zajedničke poslove, svako u okviru svojih nadležnosti.

V

Ovaj zaključak stupa na snagu danom donošenja.

Broj: 02-_____/26
Datum, 06.03.2026. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Ministarstvo finansija,
1x Kantonalni Zavod za urbanizam i prostorno uređenje,
1x JP TV ZDK, putem Ministarstva,
1x Služba za zajedničke poslove,
1x a/a.